

**40 《大乘無量壽經解》
禮供聽法第二十六
歌嘆佛德第二十七**

**佛陀教育基金會 假日佛學院
2026 年 03 月 07 日**

南無本師釋迦牟尼佛（三稱）

（開經偈）

無上甚深微妙法

百千萬劫難遭遇

我今見聞得受持

願解如來真實義

二、正宗分

一、彌陀因地・殊勝願行

二、極樂依正・清淨莊嚴

三、
三輩往生
菩薩禮供

已生當生 悉住正定

決證極果第廿二

十方佛讚 勸生信願

十方佛讚第廿三

往生因緣

三輩修因

三輩往生第廿四

廣論因行

往生正因第廿五

菩薩禮讚

他方菩薩

禮供聽法第廿六

極樂菩薩

歌嘆佛德第廿七

四、二土欣厭・重重誨勉

五、得失雙辨・攝聖顯智

【禮供聽法第二十六】經文(1/3) (夏會本)

復次阿難：

十方世界諸菩薩眾，為欲瞻禮極樂世界無量壽佛，
各以香華幢幡寶蓋，往詣佛所，恭敬供養。
聽受經法，宣布道化，稱讚佛土功德莊嚴。

爾時世尊即說頌曰：

東方諸佛刹，數如恆河沙，恆沙菩薩眾，往禮無量壽。
南西北四維，上下亦復然，咸以尊重心，奉諸珍妙供。
暢發和雅音，歌嘆最勝尊，究達神通慧，遊入深法門。
聞佛聖德名，安隱得大利，種種供養中，勤修無懈倦。
觀彼殊勝刹，微妙難思議，功德普莊嚴，諸佛國難比。
因發無上心，願速成菩提。

【禮供聽法第二十六】經文(2/3) (夏會本)

應時無量尊，微笑現金容，光明從口出，徧照十方國。
迴光還繞佛，三匝從頂入，菩薩見此光，即證不退位。
時會一切眾，互慶生歡喜。

佛語梵雷震，八音暢妙聲。

十方來正士，吾悉知彼願，志求嚴淨土，受記當作佛。
覺了一切法，猶如夢幻響，滿足諸妙願，必成如是剎。
知土如影像，恆發弘誓心，究竟菩薩道，具諸功德本，
修勝菩提行，受記當作佛。
通達諸法性，一切空無我，專求淨佛土，必成如是剎。

【禮供聽法第二十六】經文(3/3) (夏會本)

聞法樂受行，得至清淨處，必於無量尊，受記成等覺。

無邊殊勝刹，其佛本願力，聞名欲往生，自致不退轉。

菩薩興至願，願己國無異，普念度一切，各發菩提心。

捨彼輪迴身，俱令登彼岸。

奉事萬億佛，飛化徧諸刹，恭敬歡喜去，還到安養國。

【禮供聽法第二十六】經文(1/3) (夏會本)

復次阿難：

十方世界諸菩薩眾，為欲瞻禮極樂世界無量壽佛，
各以香華幢幡寶蓋，往詣佛所，恭敬供養。
聽受經法，宣布道化，稱讚佛土功德莊嚴。

爾時世尊即說頌曰：

東方諸佛刹，數如恆河沙，恆沙菩薩眾，往禮無量壽。
南西北四維，上下亦復然，咸以尊重心，奉諸珍妙供。
暢發和雅音，歌嘆最勝尊，究達神通慧，遊入深法門。
聞佛聖德名，安隱得大利，種種供養中，勤修無懈倦。
觀彼殊勝刹，微妙難思議，功德普莊嚴，諸佛國難比。
因發無上心，願速成菩提。

【禮供聽法第二十六】 (11/42)

觀彼殊勝刹，微妙難思議，功德普莊嚴，諸佛國難比。

三、讚佛國土。

極樂世界「國中萬物，嚴淨、光麗，形色殊特，窮微極妙」。其形色、光相、名數，皆不能稱說，亦無能清辯。蓋彼土殊勝微妙，非言思所能及。故曰：「觀彼殊勝刹，微妙難思議」。

種種莊嚴，入一法句，即清淨句，

即真實智慧無為法身。

極樂依正，悉是實相功德之所莊嚴，平等普現。

故下云「功德普莊嚴」。

如是妙土，如經云：「超踰十方一切世界」，

故云「諸佛國難比」。

【禮供聽法第二十六】 (12/42)

因發無上心，願速成菩提。

四、讚感人發心。

「因發無上心，願速成菩提」。

十方菩薩見彼土莊嚴清淨，超踰十方，
佛號功德，普度一切，因發大心。
願已成佛，亦成就如是剎土。

如《維摩經》云：

「以諸淨國嚴飾之事，成己佛土。」

亦能如是濟度，盡未來際。

【禮供聽法第二十六】 (13/42)

應時無量尊，微笑現金容，光明從口出，徧照十方國。
迴光還繞佛，三匝從頂入，菩薩見此光，即證不退位。
時會一切眾，互慶生歡喜。

右文顯感應道交，如來放光加持，
大眾證不退位，皆大歡喜。

《宋譯》曰：「爾時彼佛無量壽，化導他方菩薩心。
密用神通化大光，其光從彼面門出。」

故知「無量尊」即無量壽佛。

「微笑現金容」，於彼佛金容示現微笑之相。

【禮供聽法第二十六】 (14/42)

應時無量尊，微笑現金容，光明從口出，徧照十方國。
迴光還繞佛，三匝從頂入，菩薩見此光，即證不退位。

《會疏》曰：「『應時』，應菩薩發願時。」

「『欣笑』，授記之相。如來常住三昧，將欲說法，
安祥而動。故佛心湛然，無喜無憂。
若將授記時，現欣笑。舌相薄淨，如赤銅色。
舌上五畫，如印文。笑時動舌，出五色光。」

《寶積經》云：『諸佛常法，
若授地獄眾生記時，爾時光明兩足下沒。
(乃至)若授菩提記，爾時光明從頂上沒。』

彼國純一大乘故，更無餘乘記。故云『從頂入』。」

【禮供聽法第二十六】 (15/42)

應時無量尊，微笑現金容，光明從口出，徧照十方國。
迴光還繞佛，三匝從頂入，菩薩見此光，即證不退位。

《魏譯》示放光之因，蓋為「當授菩提記」。

《嘉祥疏》曰：

「正明授記，表得時機，所以欣笑口出。先還從頂入者，表吐言說，為物授至極法身之記也。」

意謂佛正為大眾授記。因時機成熟，故現微笑。並放光明從口而出。徧照十方，光迴繞佛三匝，入佛頂中。此表為眾所授之記，為至極法身之記，即究竟果覺之記也。又《望西疏》註光明照十方，還入如來頂者，「依《華嚴》表授菩薩成佛記也」。

【禮供聽法第二十六】 (16/42)

菩薩見此光，即證不退位。時會一切眾，互慶生歡喜。

下明與會大眾，善根成熟，

(菩薩) 見佛此光明，「即證不退位」。

不退者，不退轉之略稱。即阿惟越致菩薩也。

是故「時會一切眾，互慶生歡喜」。

會中諸菩薩，見此瑞相，知蒙授記，復現證不退，故互相慶慰，莫不歡喜也。

《嘉祥疏》「人天知相而歡喜。」

如《宋譯》曰：「時會一切諸眾生，敬歎佛光未曾有，各各俱發菩提心，願出塵勞登彼岸。」

【禮供聽法第二十六】 (17/42)

佛語梵雷震，八音暢妙聲。

十方來正士，吾悉知彼願，志求嚴淨土，受記當作佛。

彌陀放光，隨即說法。故下曰「佛語梵雷震」。

此佛字，乃阿彌陀佛也。

佛音清淨，故曰梵音。又如梵天王，故曰梵音。

《智度論》曰：「如梵天王五種聲從口出：

- 一、(甚)深如雷。
- 二、清徹遠聞，聞者悅樂。
- 三、入心敬愛。
- 四、諦了易解。
- 五、聽者無厭。」

【禮供聽法第二十六】 (18/42)

佛語梵雷震，八音暢妙聲。

「雷震」喻也。

《嘉祥疏》云：

「震雷能駭動物情，譬說法皆動無明之識也。」

又《淨影疏》曰：「震法雷者，法無礙智化眾生也。」

《唐譯》曰：「震大法雷，開悟一切。」

綜上諸解，謂彌陀說法音聲如梵天王。

演說法要，如大雷震，開悟大眾。

此乃本師讚彼彌陀之語。

下言「八音暢妙聲」，亦復如是。

「八音」者，如來所得八種音聲。

【佛語梵雷震】

(魏譯)：

應時無量尊，動容發欣笑，口出無數光，遍照十方國。
迴光圍遶身，三匝從頂入，一切天人眾，踊躍皆歡喜。

大士觀世音，整服稽首問，白佛何緣笑？唯然願說意。

(無量壽佛) 梵聲猶雷震，八音暢妙響：

「當授菩薩記，今說仁諦聽。十方來正士，吾悉知彼願」

故知是無量壽佛答覆觀世音菩薩之語；

但讚佛梵聲、八音，乃本師釋迦所讚亦可，

如黃念老云：此中彌陀說法，乃釋尊轉述。

【禮供聽法第二十六】 (19/42)

佛語梵雷震，八音暢妙聲。

《梵摩喻經》謂八音為：

- 一最好聲。其聲哀妙。二易了聲。言辭辨了。
- 三調和聲。大小得中(聞者和融,自然會於中道之理。)
- 四柔軟聲。其聲柔軟(聞者喜悅,捨剛強意,自然入律。)
- 五不誤聲。言無錯失。
(聞者各得正見,離九十五種外道之邪非。)
- 六不女聲。其聲雄朗。(聞者敬服,魔外歸順。)
- 七尊慧聲。言有威肅,如世尊重,有慧人聲。
(聞者尊重,智解開朗。)
- 八深遠聲。其聲深遠,猶如雷震。
(聞者皆證甚深之理。)

【禮供聽法第二十六】 (20/42)

佛語梵雷震，八音暢妙聲。

又八音者，

嘉祥師云：「一響(嚮)，二徹，三清，四柔，
五哀，六亮(高)，七和，八雅。」

「暢」者，說也，申說也。

如《阿彌陀經》曰：「其音演暢五根五力」等等。

「妙聲」者，妙法音聲也。

彌陀具足八音，以演說妙法，故云「八音暢妙聲」也。

【禮供聽法第二十六】 (21/42)

十方來正士，吾悉知彼願，志求嚴淨土，受記當作佛。

「十方來正士，吾悉知彼願」。

從此二句直至段末「必成如是刹」，
皆本師釋尊，轉述阿彌陀如來所演暢之法音。

「正士」即菩薩，如本經中十六正士。

「吾」者，此為阿彌陀佛之自稱。

意謂十方菩薩來此，皆具殊勝大願，我皆知之。

其願乃「志求嚴淨土，受記當作佛」也。

是諸菩薩，發此大願，故彌陀讚之。

眾生起心動念，如來悉知悉見。現諸正士，願如彌陀，

成就大覺，攝取佛土，佛即知之。

故為說如是無上相應之法，以滿其願。

【禮供聽法第二十六】 (22/42)

覺了一切法，猶如夢幻響，滿足諸妙願，必成如是刹。

一、「覺了一切法，猶如夢幻響。
滿足諸妙願，必成如是刹。」

「覺」者，證悟，「了」者，了知。

「一切法」者，總該萬有之一切諸法。

《大智度論》曰：「一切法，略說有三種：
一者有為法。二者無為法。三者不可說法。
此三已攝一切法。」

【禮供聽法第二十六】 (23/42)

覺了一切法，猶如夢幻響，滿足諸妙願，必成如是刹。

「如夢幻響」。喻諸法皆虛妄無實。

如夢，如幻化，如回響(空室回音)。

《大智度論》曰：

「如夢者，如夢中無實事，謂之為實。

覺已知無，而還自笑。」

又曰：「一切諸行如幻，欺誑小兒。

屬因緣，不自在，不久住。」

【禮供聽法第二十六】 (24/42)

覺了一切法，猶如夢幻響，滿足諸妙願，必成如是刹。

又曰：「若深山狹谷中，若深絕澗中，若空大舍中；

若語聲，若打聲，從聲有聲，名為響。

無智人謂為有人語聲。智者心念：是聲無人作，

但以聲觸故，名為響。響事空，能誑耳根。

(乃至)菩薩知諸法如響。」 又《會疏》曰：

「如夢者，如夢所見，雖有種種事，畢竟不可得，
諸法亦復如是。

如幻者，如幻所現。雖似實化現，其體本寂滅，
諸法亦復如是。

如響者，如空谷響。雖因聲擊發，自性無所有。
諸法亦復如是。」

【禮供聽法第二十六】 (25/42)

覺了一切法，猶如夢幻響，滿足諸妙願，必成如是剎。

下舉勝願，記必得土。

《淨影疏》謂此一偈，「舉彼智願，記必得土。

覺了一切如夢幻等，是舉智也。

滿足諸願，是舉願也。成如是剎，記得土也。」

疏意為：了知一切，猶如夢幻，是智慧也。

滿足諸妙願，是大願也。不但發起諸妙願，

且能修習、攝取、滿足諸願，足證所願真切。

以此二者為因，故得受記曰：「必成如是剎。」

剎土成就，乃智與願之果也，

【禮供聽法第二十六】 (26/42)

覺了一切法，猶如夢幻響，滿足諸妙願，必成如是刹。

又《會疏》云：「雖經塵劫，猶如一念。雖在生死，如園觀。遂(成也，達也)則滿足妙願，建立妙土。」

蓋謂從智滿願，從願建土。以智慧故，生死如園觀，多劫如一念。於此了達成就，故妙願悉滿也。

兩疏小異，而淨影之說較親。

蓋了諸法空，仍願取淨土。不落二邊，妙契中道，是淨宗本旨。如《維摩經》云：

「雖知諸佛國，及與眾生空，而常修淨土，教化於群生。」此皆圓宗事理無礙，不可思議境界。下之二偈，同此玄旨。

【事理無礙】

《阿彌陀經疏鈔》卷3：

「若得理一，則妙悟一心，有何淨穢。然雖知平等法界，無生可度；而常修淨土，教化眾生。

正所謂一乘大道也。知見之普，孰過於是。

又普賢菩薩為華嚴長子，非一乘境界乎。而欲面見彌陀，往生安樂，謂之情存淨穢可乎。」

《阿彌陀經疏鈔演義》卷3：「**正所謂一乘大道者**，平等法界，**無生可度**；真如界內，**不受一塵也**。常修淨土，**教化眾生**；佛事門頭，**不捨一法也**。**事理圓融，權實不二，一乘大道也。**」

【禮供聽法第二十六】 (27/42)

二、**「知土如影像，恆發弘誓心，究竟菩薩道，具諸功德本，修勝菩提行，受記當作佛。」**

「如影像」者，**如物之影像**。雖從實體生，而無實性。
《金剛經》曰：「一切有為法，如夢幻泡影。」
現偈云，了知佛土，亦如影像。如是智慧，實為甚深。
如是正士，深了佛土亦空。

但仍**「恆發弘誓心」**。**「弘誓」**者，**弘深誓願也**。
復從願起行。故曰**「究竟菩薩道」**。

「究竟」者，**至極也**，決定於最終之極處也。

「菩薩道」者，**圓滿自利利他而成佛果之菩薩大行**
(即六度)名為菩薩道，亦即菩薩行。

【禮供聽法第二十六】 (28/42)

知土如影像，恆發弘誓心，究竟菩薩道，
具諸功德本，修勝菩提行，受記當作佛。

如是諸正士，智願雙備，行解俱優，故皆具足功德之本。

「具」者具有。「諸功德本」，指一切功德之本源。

《勝鬘經寶窟》曰：

「德者得也。修功所得，故名功德也。」

「本」者，本源。本源者，眾生本具之佛性。

《圓覺經》云：本源清淨大圓鏡。

謂本源清淨如大圓鏡。

裴休《圓覺略疏序》曰：

「是眾生之本源，故曰心地。」

【禮供聽法第二十六】 (29/42)

知土如影像，恆發弘誓心，究竟菩薩道，
具諸功德本，修勝菩提行，受記當作佛。

又「本」者本極。

法性之理體，為法之根本窮極。故曰本極。

《法華玄義》曰：「本極法身，微妙甚深。」

由上可見「本」者眾生之本心也，實際理體也，
本極法身也，亦即真如實相也。

「具諸功德本」者，

窮盡心源也，安住法身也，入諸法實相也。

「菩提」者，《安樂集》曰：

「菩提者，乃是無上佛道之名也。」

「修勝菩提行」者，修習殊勝無上佛道之行也。

【禮供聽法第二十六】 (30/42)

知土如影像，恆發弘誓心，究竟菩薩道，
具諸功德本，修勝菩提行，受記當作佛。

與上句聯讀，則從根本智而差別智，從文殊之大智，起普賢之大行，而普賢大士之德，端在導歸極樂也。

「受記」，從佛受當來必當作佛之記。

因具上述之智慧、誓願，與諸妙行，

故必得佛之受記，而圓滿佛果。故曰「受記當作佛」。

《淨影疏》曰：「舉彼智行，記必成佛。」

彌陀此偈中首二句，是智願。中三句，是所修勝行。
末句，受記成佛，是所感之妙果也。

【禮供聽法第二十六】 (31/42)

通達諸法性，一切空無我，專求淨佛土，必成如是刹。

三、「通達諸法性，一切空無我」。

《會疏》曰：

「一切有情非情，淨穢凡聖，名為諸法。

性者不改義，其理體也。

(諸法本具之體性，永無改變，乃其實際理體也。)

因緣合成，假名諸法。

(因緣和合，而現諸法，實皆虛妄，但是假名而已。)

自性寂滅，體不可得，故云空無我。」

【禮供聽法第二十六】 (32/42)

通達諸法性，一切空無我，專求淨佛土，必成如是刹。

我者有二：

一者人我。凡夫不了五蘊和合假現有我之義，妄認實有自主自在之人，能常主宰是名人我。若能了達但是五蘊假合，實無自體，是為人無我。是為小乘人之修行，斷煩惱而得涅槃。

二者法我，固執諸法有實體，有實用，是名法我。若了達諸法但從因緣生，實無自體，是名法無我。小乘唯悟人無我，菩薩則二無我皆悟。

「空」者，與無我同義。《大乘義章一》曰：「空與無我，眼目異名。」蓋眼與目雖是二名，實為一義。「空」與「無我」，亦復如是。

唯識 · 二執二空之染淨因果

染			淨	
因		果	因	果
二執	二障	二種生死	二空	二果
我執 (人我)	煩惱障	分段生死	我空 (生空)	涅槃
法執 (法我)	所知障	變異生死	法空	菩提

斷（分別/俱生）我執/法執之階位

三細			六粗						
業相	轉相	現相	智相	相續相	執取相		計名字相	起業相	業繫苦相
十地	九地	八地	七地	初地	十向	十行	十住	十信	六道
				3斷分別法執			1斷分別我執		
			4斷俱生法執		2斷俱生我執				
以上依慈舟法師《大乘起信論述記》整理									
			3斷俱生我執			1斷分別我執			
4斷俱生法執					2斷分別法執				

以上依寬謙法師《唯識學入門》圖表整理

【禮供聽法第二十六】 (33/42)

通達諸法性，一切空無我，專求淨佛土，必成如是刹。

下云「專求淨佛土，必成如是刹」。

《會疏》曰：「專求者，是誓願義。如四十八願。
如是刹，指極樂，勸希求也。」

《淨影疏》謂此一偈是：「舉彼智願，記必得土。
通達法性一切空無，是舉智也。
前覺一切如夢幻等

(指「覺了一切法，猶如夢幻響」)是世諦智。

此通(達諸)法性，一切空無(我)，是真諦智。

專求淨土，是舉願也。必成是刹，記得土也。」

蓋謂由於智願，受記得淨國土也。

【世諦智、真諦智】 (1/2)

《楞嚴經疏解蒙鈔》卷8:

「真諦智，是無分別智。俗諦智，是有分別智。」

《梵網經合註》卷1:

「生真諦智，拔見思苦因，

拔惡道、有漏二種分段苦果。

生俗諦智，拔塵沙苦因，拔沉寂苦果。

生中諦智，拔無明苦因，拔迷中變易苦果。」

【世諦智、真諦智】 (2/2)

無性 《攝大乘論釋》卷7：

第五地「極難勝者，最難可勝，謂真諦智是無分別，
世間書印工論等智是有分別，
真俗諦智更互相違，難可引發，令其相應；
此(地)能和合令不相違，故極難勝。」

續法 《觀無量壽經直指疏》卷1：

「是心是佛，真諦智知法身佛也。

是心作佛，俗諦智知報化佛也。」

十地經論 · 五地以上空有能並觀

十地	初地	二地	三地	四地	五地	六地	七地	八地	九地	十地
空 · 有	空有難並觀				空有能並觀					
有相 無相	有相觀多 無相觀少				有相觀少 無相觀多		純無相觀			
有功用行 無功用行	有功用行							無功用行		
備註	天台宗別教初地以上及圓教初住以上為無功用									

【禮供聽法第二十六】 (34/42)

通達諸法性，一切空無我，專求淨佛土，必成如是剎。

又《望西疏》謂：

「二智（俗諦真諦二智）雖殊，性空是同。

雖知性空，而願淨土。」

又曰：「佛法不著有，不著無，有無（亦有亦無）亦不著，
非有非無亦不著，不著亦不著。」

要之，不住二邊，遠離四句，妙契中道，平等一相。

《金剛經》曰：「無我、無人、無眾生、無壽者，
修一切善法，則得阿耨多羅三藐三菩提。」

是故十方正士，深達法空，專求淨土，

是即遠離四相，修一切善，故「必成如是剎」也。

【禮供聽法第二十六】 (35/42)

通達諸法性，一切空無我，專求淨佛土，必成如是剎。

又《會疏》曰：「所以菩薩雖洞達三空，智無所著，
而能大悲薰心，發願淨土。
雖淨佛土，而常寂靜。」

是則即一法句(真實智慧無為法身)而二十九種。
(《往生論》謂極樂共二十九種莊嚴)
即二十九種而一法句之義也。」

疏說精妙。

蓋一切法無不從此一法界流出，
亦莫不還歸此一法界。一法界正是一法句。

【禮供聽法第二十六】 (36/42)

彌陀曉諭十方正士之慈示，釋尊轉述已畢。

以下為釋尊續對此土會眾之開示。

(經文「聞法樂受行」前，《魏譯》尚有「諸佛告菩薩，令覲安養佛。」今本刪節。)

因「聞法樂受行」之人，指十方正士。

十方諸佛勸諭其國正士，參禮阿彌陀佛。

是諸正士，遵佛開示，往詣極樂世界，

得見無量壽佛聞受妙法。聞後若能信樂受行，

一心志求淨刹，則必蒙受記，得成無上正等正覺。

《會疏》曰：

「聞法樂受行者，聞彌陀所說法，受持奉行也。」

【禮供聽法第二十六】 (37/42)

聞法樂受行，得至清淨處，必於無量尊，受記成等覺。

《淨影疏》曰：

「自於當來得妙淨土，名得淨處。」

又《會疏》曰：

「清淨處即是淨土也。上所謂必成如是刹義也。」

兩疏同旨。是均以**建立佛國**為「**得清淨處**」也。

但從心地法門而論，「**清淨處**」亦可別進一解。

則指**本淨妙心**也。

倘能聞法信受，一念相應，直徹心源，

朗然大覺，本然清淨，頓契法身，亦是**得至清淨處**。

【禮供聽法第二十六】 (38/42)

聞法樂受行，得至清淨處，必於無量尊，受記成等覺。

乃至「以清淨心，向無量壽」，

一念淨信，一念淨心，

是則於剎那之間，得契於「清淨處」者也。

再其下則至誠念佛，毫無塵慮，淨念相繼，中無間斷，

暗合道妙，即念離念，是可稱為冥至清淨處也。

如上諸人，

亦必得於無量壽佛得蒙授記，將來皆必成佛。

或顯加，或冥應，

則因人之智慧、願行、善根、福德而異。

【得至清淨處】

《甄解》：

清淨處者，解有三義，……

三曰清淨處即淨土也。……

若往生彼國，得神通授記、不退、供佛等益，
故諸佛各勸「往生彌陀淨土」故，於文義為符順也。

……極樂無為涅槃界，

故往生論云：「畢竟安樂大清淨處。」

又云：「畢竟成佛道路故。」

安樂淨土即是大清淨處。

【雪廬老人眉註】：

此他方諸佛之語。他剎成佛甚難得，至極樂必能如願。

【禮供聽法第二十六】 (39/42)

無邊殊勝刹，其佛本願力，聞名欲往生，自致不退轉。

「無邊殊勝」者，極樂國土，超勝微妙，無有邊際、無有量數，不可稱說，故云「無邊殊勝刹」。

彼之刹土，超逾十方，正由阿彌陀佛殊勝本願之力，故云「其佛本願力」。十方眾生，因彌陀第十七「諸佛稱嘆願」，得聞名號。又因彼佛聞名發心、聞名得福、聞名得忍等願之加被，必皆信願持名，得生極樂，證不退轉。故云「聞名欲往生，自致不退轉」。

正如第十八願所云，聞我名號，至心信樂，願生我國，十念必生也。

【禮供聽法第二十六】 (40/42)

菩薩興至願，願己國無異，普念度一切，各發菩提心。
捨彼輪迴身，俱令登彼岸。

「菩薩興至願」以下，

表已得往生之諸菩薩，感佛深恩，

誓師彌陀，咸發大願。故云「興至願」也。

《會疏》云：「至願者，

彌陀尊攝土(國土)攝生(眾生)攝身(法身)願，

本是至極難思。菩薩願同於此。」

【禮供聽法第二十六】 (41/42)

菩薩興至願，願己國無異，普念度一切，各發菩提心。

捨彼輪迴身，俱令登彼岸。

故亦願攝如極樂之佛刹，度無邊之眾生，

悉發菩提心，一向專念阿彌陀佛，

同生淨土，逕登不退，證佛法身。

是為菩薩之利他行。故亦「願己國無異」。

《淨影疏》曰：

「願己得土，同阿彌陀，名國無異。」

「普念」，平等大悲也。

願普度一切眾生，各各發起無上菩提之心，

厭捨輪迴業身，同登極樂彼岸。

【禮供聽法第二十六】 (42/42)

奉事萬億佛，飛化徧諸刹，恭敬歡喜去，還到安養國。

【奉事萬億佛】 《甄解》：「奉事億如來」等者，現前修習普賢之德，超出常倫諸地之行也。
(此乃引魏譯之一生補處願35)

如是輾轉度脫，而得往生之無量無邊菩薩，安住極樂，復能普供十方如來聞法受教。

「飛化」者，飛行遊化也。

「化」指神妙難思之變化。

「安養國」者，即極樂國。

此偈表極樂國中，十方往生之正士

以及輾轉度脫之菩薩，周遍十方，遍事諸佛。

恭敬，禮覲，歡喜，聽法；恭敬歡喜，復還極樂。

二、正宗分

一、彌陀因地・殊勝願行

二、極樂依正・清淨莊嚴

三、
三輩往生
菩薩禮供

已生當生 悉住正定

決證極果第廿二

十方佛讚 勸生信願

十方佛讚第廿三

往生因緣

三輩修因

三輩往生第廿四

廣論因行

往生正因第廿五

菩薩禮讚

他方菩薩

禮供聽法第廿六

極樂菩薩

歌嘆佛德第廿七

四、二土欣厭・重重誨勉

五、得失雙辨・攝聖顯智

【歌嘆佛德第二十七】經文(1/2) (夏會本)

佛語阿難：彼國菩薩，承佛威神，
於一食頃，復往十方無邊淨刹，供養諸佛。
華香幢幡，供養之具，應念即至，皆現手中。
珍妙殊特，非世所有，以奉諸佛，及菩薩眾。

其所散華，即於空中，合為一華。

華皆向下，端圓周匝，化成華蓋。

百千光色，色色異香，香氣普薰。

蓋之小者，滿十由旬。

如是轉倍，乃至徧覆三千大千世界。

隨其前後，以次化沒。

若不更以新華重散，前所散華終不復落。

於虛空中共奏天樂，以微妙音歌嘆佛德。

【歌嘆佛德第二十七】經文(2/2) (夏會本)

經須臾間，還其本國。都悉集會七寶講堂。

無量壽佛，則為廣宣大教，演暢妙法。

莫不歡喜，心解得道。

即時香風吹七寶樹，出五音聲。

無量妙華，隨風四散。自然供養，如是不絕。

一切諸天，皆齎百千華香，萬種伎樂，

供養彼佛，及諸菩薩聲聞之眾，

前後往來，熙怡快樂。

此皆無量壽佛，本願加威，

及曾供養如來，善根相續，無缺減故，

善修習故，善攝取故，善成就故。

【歌嘆佛德第二十七】 (1/9)

上品是十方正士至極樂國土禮供聽法。

本品乃極樂菩薩遍至十方，禮供諸佛，隨即還歸本土聽聞妙法。品末兼表諸天供奉彼佛，及其勝因。

「彼國」者，極樂也。

「承佛威神」者，承受彌陀威神之加被也。

如本經云：「此皆無量壽佛威神力故，本願力故。」

下文「於一食頃，復往十方無邊淨刹，供養諸佛。」

即第十一「徧供諸佛願」之成就。

「供養之具，應念即至」。

即第卅七願，「種種供養，隨意即至」之成就也。

「珍妙殊特，非世所有」，

表諸供物，微妙殊勝，超世希有。

【應念即至】

漢譯卷2：（吳譯類似）

「諸菩薩意各欲得四十里華，
則自然四十里華在前。
諸菩薩皆於虛空中共持華，
則散諸佛及諸菩薩、阿羅漢上，
華皆在虛空中下向，華甚香好。
華適小萎便自墮地，則自然亂風吹，
萎華悉自然去。」

80里、160里、320、640、1280、2560、5120、
10240、20480、5萬、10萬、20萬、40萬、80萬、
160萬、300萬、400萬里，重複以上經文。

【歌嘆佛德第二十七】 (2/9)

供物之中，特以妙花為例。

「合為一華」，表無邊功德，悉入一句洪名。

十方眾生，同歸彌陀一乘願海。

極樂依正一切莊嚴，全體是一法句也。

「華蓋」者，以華為飾之傘蓋。

《法華玄贊》曰：

「西域暑熱，人多持蓋，皆以花飾之。故名華蓋」，
極樂華蓋，萬德所成。

故一蓋中，廣含無邊德相，微妙難思。

如經所云「百千光色，色色異香，香氣普薰」。

一蓋具百千種光，百千種色，百千種香，

既「香氣普薰」，故知光色亦必遍照也。

【歌嘆佛德第二十七】 (3/9)

蓋之大小，隨人心量，
故從「十由旬」，「乃至徧覆三千大千世界」，
「隨其前後，以次化沒」。後至者散新花，
前供之花化去，明諸妙供，化現隨心。

下曰「於虛空中，共奏天樂」，
表諸菩薩復以天樂供佛。

天樂之中，「以微妙音，歌嘆佛德」，
是表諸菩薩於禮供中，兼修讚歎也。

「佛德」者，如來所具之功德。《俱舍論》曰：
「佛德者，諸有智者，思維如來三種圓德，深生愛敬。
其三者何：一因圓德。二果圓德。三恩圓德。」

【以微妙音歌嘆佛德】

《阿彌陀經疏鈔》卷3：

「【疏】善會之者，此土有情無情，亦皆說法。
如聞鶯、擊竹等。況復淨土。

【鈔】善會者，謂不以境為境，而會境即心。
則物物頭頭，皆祖師意。」

「歌嘆佛德」者，即是
普賢十大行願中之「禮敬諸佛」與「稱讚如來」；
既是「以微妙音」而「歌嘆佛德」，
亦必然有「廣修供養」、「常隨佛學」、
「普皆迴向」等行願矣！

【俱舍論·如來三種圓德】

因圓德	果圓德				恩圓德
	智圓德	斷圓德	威勢圓德	色身圓德	
無餘修	無師智	煩惱斷	外境自在 難化必能化	具眾相	解脫惡趣
長時修	一切智	定障斷	壽量自在 答難必決疑	具隨好	解脫生死
無間修	一切種智	畢竟斷	空障自在 立教必出離	具大力	安置善趣
恭敬修	無功用智	并習斷	世間自在 惡黨必能伏	具內外	安置三乘

【歌嘆佛德第二十七】 (4/9)

經須臾間，還其本國。都悉集會七寶講堂。
無量壽佛，則為廣宣大教，演暢妙法。
莫不歡喜，心解得道。

右文表菩薩眾遊行十方還歸極樂，聽佛說法。

「須臾間」，須臾者片刻也。

相當於四十八分鐘（據《俱舍論十二》）。

《唐譯》云「晨朝供養他方無量百千諸佛」。又云
「即於晨朝，還到本國」。正是「經須臾間」之義也。

於是會聚於七寶所成之講堂，聽佛宣說大教妙法。

「大教」者，《無量壽經起信論》謂一乘法也，

菩薩聞後皆大歡喜，自心開解，得悟聖道。

「道」者，斷惑證理之智慧。顯發此智，名為「得道」。

【四十八分鐘】

【須臾】 梵語muhūrta，音譯「牟呼栗多」。

表短時間。即暫時、少頃之意。

《俱舍論》卷十二載， $24*60/30 = 48$

牟呼栗多代表一晝夜的三十分之一，

相當於今日之四十八分鐘。

然經中「須臾」一詞，不一定指此時限。

有時視同「剎那」，而表示極短之時間。

～ 《佛光大辭典》

【歌嘆佛德第二十七】 (5/9)

經須臾間，還其本國。都悉集會七寶講堂。

無量壽佛，則為廣宣大教，演暢妙法。

莫不歡喜，心解得道。

彭際清《起信論》曰：

「問：無量壽佛說法，為是純說一乘，為是兼說三乘？

若純說一乘者，何得尚有聲聞眾等？

若兼說三乘者，何云二乘不生彼國？

答：純是一乘，別無三乘。

豈獨佛在七寶講堂，純是一乘。

乃至一一花中，一一光中，風聲水聲，諸音樂聲，

亦純說一乘，更無三乘。如《妙法蓮華經》云：

『十方世界中，尚無二乘，何況有三。』

【歌嘆佛德第二十七】 (6/9)

經須臾間，還其本國。都悉集會七寶講堂。
無量壽佛，則為廣宣大教，演暢妙法。
莫不歡喜，心解得道。

特以眾生根智有差，所聞各異，所證不同。
故前文言，或聞佛聲，或聞法聲，或聞僧聲，
或寂靜聲，空無我聲，乃至甘露灌頂等聲。
其得聞者，或證須陀洹果、斯陀含果、阿那含果、
阿羅漢果，乃至不退轉地菩薩。具如他譯本說。
是即順餘佛土，寄四果名。
實則決定成佛，不取有餘涅槃。
以能回小向大故。佛本願故。」此說甚為精要。

【歌嘆佛德第二十七】 (7/9)

即時香風吹七寶樹，出五音聲。

無量妙華，隨風四散。自然供養，如是不絕。

右文表彼土無情聞法，而興妙供。

出五音聲，是妙樂供養；隨風散華，是妙花供養。

如是供養，皆由自然。

《會疏》曰：「自然供養，不有為法故。」

意為非因造作之有為法也。

【歌嘆佛德第二十七】 (8/9)

一切諸天，皆齎百千華香，萬種伎樂，供養彼佛，
及諸菩薩聲聞之眾，前後往來，熙怡快樂。

此皆無量壽佛本願加威，及曾供養如來，善根相續，
無缺減故，善修習故，善攝取故，善成就故。

右表諸天供養。「齎」送也，持財與人也；

又持物而行路也。「熙怡」，喜悅也。

諸天能具如是殊勝供佛之福德因緣者，蓋有數因：

一者，「無量壽佛本願加威」。

蓋由彌陀本願威德加被，諸天乃能恭詣極樂大修供養。

第廿五「天人禮敬願」中曰：「諸天世人，莫不致敬」。

諸天於聞名信樂之大乘行人，尚皆禮敬，

又焉能不禮敬極樂教主耶？

【歌嘆佛德第二十七】 (9/9)

及曾供養如來，善根相續，無缺減故，
善修習故，善攝取故，善成就故。

二者，「曾供養如來，善根相續，無缺減故」。

表諸天能至極樂供養，皆因過去生中早種善緣，
已曾供養如來，並善能令此善根相續，無有缺減。

(堅固善心，深不可拔，故名善根。)

故今復有如是勝緣也。

三者，「善修習故，善攝取故，善成就故」。

謂於善根，善於修習、攝取以至成就也。

故今乃能以種種妙供，來至極樂供養彌陀。

「前後往來，熙怡快樂」，更令善根增上。

【善根攝取修習】 (1/2)

《大乘起信論》卷1:

「又諸佛法有**因**有**緣**。因緣具足，事乃成辦。

如木中**火性**，是火**正因**。

若無**人知**，或有雖知而不**施功**，
欲令出火焚燒木者，無有是處。

眾生亦爾，雖有**真如體熏**因力，
若不遇佛、諸菩薩等**善知識**緣，
或雖不修勝行，不生智慧，不斷煩惱，
能得涅槃，無有是處。

【善根攝取修習】 (2/2)

又復雖有善知識緣，儻內無真如熏習因力，
必亦不能厭生死苦，求涅槃樂。
要因緣具足，乃能如是。

云何具足？

謂自相續中有熏習力，諸佛菩薩慈悲攝護，
乃能厭生死苦，信有涅槃，種諸善根，修習成熟。
以是復值諸佛菩薩示教利喜，
令修勝行，乃至成佛入于涅槃。」

雪廬老人淨土詩偈

世事等一夢

人生誰百年

念念彌陀佛

池中結寶蓮



迴向偈

願以此功德，莊嚴佛淨土。

上報四重恩，下濟三塗苦。

若有見聞者，悉發菩提心。

盡此一報身，同生極樂國。